



على المترشح أن يختار أحد الموضوعين الآتيين :

الموضوع الأول

Asental s tcawit :

Jar wul d walli

Safiya, tedder s tezzegret n wakud n nnefyan-nnes, teggur seg tma yer tict. Segmi tebba agmir ur tessusim seg useqsi n yiman-nnes, mani teggur tegrawla? Mukca ad tili tagara s uḥulfu-nnes, tamettut tegged seg matta i d-yegguren. Nettet i iruḥen mebla lebyi-nnes, tedfer argaz-nnes, tella d taberanit, tegged yef tarwa-nnes d tmeddurt-nsen.

Alda ad temmekti Leqṣer ddiq-nnes ineddef-d yef twacult-nnes i teḡḡa. Mukca aha tedder imir-a deg yiseggasen-a i d-yegguren i yiman-nnes la aḥbib la lwali? Amek aha ad teshirbeb jar wudan iberraniyen deg ulaz d leera? Uread imettawen yef umag-nnes yef urgaz i tt-id-yezzuyren. Till yef win i as-iruḥen, win iherzen fell-as, win yesseḥbibiren fell-as. Till yef uxxam i yeḡḡin, axxam i yebnan s lhif d ucehhal, missen ma uread yella ?

Deg usallas, Šafiya teqqim yef tmurt, aεereur-nnes yer lhif, tarwa-nnes tṭsen yer yiddaren-nnes. Teqqim d yiman-nnes s umeyyez deg tayara mani tella, aseqsi yer yict. amek imir-a aha tugir tmeddurt-nnes n yal ass? Ad twella yer uqewwar-nnes! Ma tesa afud d usurḍi i iliqen, nettat d tarwa-nnes i tezzegret d tlufa n ubrid. D ta d tyawsa i yellan ur as-tezmir ca. Rni ma twella yer tmurt, ad tettwarfed yer lḥebs. Ugur-a yessalay-as times, lfeclan yerza-as iysan ... tessers afus-nnes yef lhif, ad tekker, ur tezmir, tidu deg wusu...

Cra n wass mi d-tudef yer uxxam, tesla deg rradyu belli yemmir umnuḡi deg tmurt n Dzayer. Deg uxxam yekker lferḥ d ameqqran ... Šafiya tufa-d iman-nnes jar sen n yibriden, Dzayer yettwahersen seg tegrawla , d tfawt i d-yeflalin s tlelli n tmurt. D lferḥ-nnes, teqqim tzelli jar tyemmar n uxxam, tetyenna ccna i tcehhel ad t-tyenna nettat d urgaz-nnes. Din tuqqel yer memmi-s, ččurent tetṭaw d imettawen, tenna deg wul-nnes : imir-a yezmer ad yazzel deg tmurt-nnes i ibhan s tmeddurt n tlelli! yas ma tawellit-nnes yer Ein Šefra bla Deḥman d lmuḥal, Šafiya ur tezri matta ad as-yura lmektub deg ccfawat n tmeddurt.

Tameybunt, tafekka-nnes tetterjiji s tmest n lferḥ myir ur tezmir ad tetṭef deg yiman-nnes. Bdan yiseqsiyen ttenden deg yixef-nnes! " ihi dayen a neččni deg tmunent, s tidet Fransa treg ! D tidet deg tlelli i nella! Temmir tarjit taberkant ! Nezmer imir-a ad nwella yer tmurt-nney mebla tiwdi! Ahat matta i yellan d asirem ad d-iwella d tidet! I nečč! Ih, nečč Šafiya, amek ad tili tmeddurt-inu deg tmurt-a tatrart? tamurt i yellan zik inu deg ulaz d yinezgam ? Tamurt iyef d-tjebba tfukt n tlelli? Šafiya tettmeyyaz tawellit-nnes yer Ein Šefra mebla Deḥman. Matta ad as-yeffe lmuktub sya yer sdat ? ..

Isestanen :

I. Tigzi n tirawt : (12 /12)

1. Şafiya tekker seg tmurt-nnes yer tmurt n wudan. Mayer?
2. Kkes-d seg tseddart tis sen, sent n tenfalyin i d-yemmalen anezgum n Şafiya.
3. Tameţţut tufa-d iman-nnes jar sen n yibriden . Bder-ihen-d.
4. Anallas deg tagara n uđris ibeyyen-d belli tumert (lferḥ) n Şafiya txuṣ. Mayer?
5. Uc-d aţar n wawalen-a : tameddurt. Inezgam.
6. Ini-d yef matta ittwella umqim awşil yettuderren deg uđris.
7. Semma-d isumar n tefyirt-a d tesyunt ihen-yeqqnen:
 - "Segmi tebbi agmir ur tessusim"
8. Sled isegren n tefyirt-a ilmend n twuri.
 - "Tenna deg wul-nnes."

II. Afares s tira : (/08)

Şafiya tetteyyaz tawellit-nnes yer Ein Şefra mebla Deḥman. Matta ad as-yeffer lmuktub sya yer sdat ?...

Şafiya teqqim tugel jar wul yexsen ad iwella yer tmurt-nnes d walli i yexsen ad yeqqim deg tmurt n wudan.

Ilmend n tenfalit-a d waktayen-nnek (nnem), **ari**-d ađris ideg **ad talseđ** tidyanin aha ad yilin deg tmeddurt n Safiya ayella n tlelli n Dzayer.

- Qader tayessa n uđris amullis.



الموضوع الثاني

Asental s tcawit :

Nanna Seɛda

Seɛda, d isem i yeččuren d leḥnanet. Hama i as-ttlayan i nanna-s n Eemmar.

Azal n semmus n yiseggasen yer deffer, tamyard yetterdeq-as uzwer deg yixef, netta i tt-ikerfen yerni yesseuggen-itt. Seg tallit-idin ud teeqqel yict. Akkass teqqim deg yict n umkan , ixef-nnes yekna, ud as-zmirent ca tɣerdin-nnes. Adeq-nnes s tma n ccmini i yellan ud d-yettrag ca seg-s akked qič n lhemman. Aha-t yessemmaktay-tt-id s yilmes n uxxam mani i d-tlul. D wa d amkan-nnes n dima. Ahat teks ad tugir maca tekkes-as-itt tezmert. Deg yixef-nnes yessur wass d yid. Ur d-yeqqim deg-s rriḥ, myir rruḥ-din yettfen deg tmeddurt. Ud tezri mani tella.

Deg uxxam n Bum'Bara, ict ur yezmir ad d-yin kem deg leemer-nnes. Ulac lkayed ideg yura; missen ma ad t-naf deg yizmamen n hedd n tyiwanin deg tmurt-nney!? Tlul deg lqern yezrin, maca uread qič n lbaraket. Taṭṭawin-nnes tuli-d fell-asent tbeḥnuqt-inin n umemmu n tiṭ. Ammin uread tettēf tarwiḥt am tsetta-idin i yeddren leqrun. Ula d nettat ad tesa ma ulac lqern deg leemer-nnes. Memmi-s Eabdarrahman akkass yettzux s tezzegret n leemer n yemma-s awalya ma ud zmiren ca ad d-inin aḥal i tesa n yiseggasen.

Nanna Seɛda, ulac win i as-d-yecfan tettett s tyenjajt. Iḍuḍan-nnes i d taɣenjajt-nnes, mukca ttetten ayt zik. Ma yella d teḥriret niy d ccerbet, d uley i tettelleq, ad tesraga iles-nnes amzun d muc. Asmi tella temzi tella tezyen, al imir-a, lacta d temyer , alda ad teẓred ifassen-nnes iṭbeen, akked yidūḍan-nnes izegraren, ad temmektid lebha n temzi-nnes. Ccwafer-nnes ur ttbanen ca yerni caben, ma d udem-nnes ur yekmic ca. tafekka-nnes, tekna seg ccyel akked tarrawt. ḥaca ict n ufus i uread tessexdam-it, matta i yeqqimen deg tfekka-nnes yeqqur seg waṭṭan d tgeemert. Ass-a ud iban ca i matta tessḥus imi d-tenteq, tenna-d qli n wawalen. Ahat tessḥuss s memmi-s yemmuyben, yella matta i ttheyyren?

Tawacult Bum'Bara zellin-as-d, ttearaḍen ad tt-id-snetqen tikkelt-yiṭ, ad terni ad d-tutlay. Lacta qič. Yict n wawal yerni s ulhat. Xsen ukk ad slen i ššut-nnes miẓid, i ugerzi-nnes yezzuzunen. Ixuš ššut-idin n temyard i ten-yezzuznen ukkel mukca llan, awalya deg tejrest išemden d usemmid yettseffren. Tawacult tella tesshemmay s ugerzi-idin yeḥninen dixel n uxxam.

Memmi-s yessudun-itt seg yixef, yetthawal deg-s :

- Aha a yemma ini-d lacta yict n wawal berk, matta teksed ini-d, yeeni berk a yemma i yeɛzizen

Hamid BILAK, Ad herqey lebher, IMTIDAD, Alger, 2022, sb. 49-51.

Isestanen :

I. Tigzi n tirawt : (12 /12)

1. Nanna Seeda tekref terni tɛuggen. Mayer?
2. Matta i d-yesmektayen Nanna Seeda s uxxam mani i tlul?
3. Tawacult n Bum'Bara yer-s yict n yiswi seg nanna-tsen. Matta yella?
4. Segzi tanfalit-a :

- **Ammin urɛad tɛtɛf tarwiht am tsetta-idin i yeddren leqrun.**

5. Ameskar deg uɖris-a, yeglem-d Nanna Seeda. Smed tafelwit-a:

Udem akmam (tafekka)	Udem amadwan (tɛbɛa)
1.	1.
2.	2.

6. Beddel imyagen n tefyirt-a s yirbiben iwatan bla ma ad ibeddel unamek n tefyirt :
“Asmi tella **temzi** tella **tezyen**, al imir-a, lacta **temyer**.”

7. Semma-d isumar n tefyirt-a : “**Ad tesraga iles-nnes amzun d muc**.”

8. Sled tafyirt-a ilmend n twuri : “ **Tamyart, yetterdeq-as uzwer**.”

II. Afares s tira : (/08)

. *Memmi-s yessudun-itt seg yixef, yetthawal deg-s :*

- *Aha a yemma ini-d lacta yict n wawal berk, matta texsed ini-d, yeeni berk a yemma i yeezizen.*

Labas n wudan i iɛezzen fell-aney. Ari-d aɖris ideg aha **d-gelmed** amdan yesɛan azal yer-k(m).

- **Qader teyessa n uɖris agelman.**

